



0 10 20 30 40 50 60 70 80 90 100 110 120 130 140 150 160

22.6533
112.073
:8



Kodak Color Control Patches

metres
1
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28
29



麗水縣志卷十三

麗水縣知縣

藝文

山陬故多樸學之士自曠徒煽亂於勝朝耿逆延禍於近世簡牘銷亾等於秦火而他邦文獻道其篇目序其意旨者固時有可稽也今凡本書闕佚而名目確有依據者概爲蒐采班書志藝文於春秋夾氏傳曰有錄無書先民固有斯例矣

經

王義朝易論十五卷

易說十卷

紹興府志字國賓麗水人家上虞



禮制五卷

萬歷上虞縣志

以下宋人

二五君臣論

趙希弁讀書附志胡寅明仲閻邛昕逢辰二侍郎之論也

案寅崇安人昕麗

水人

林椅周禮綱目八卷

據說一卷

陳振孫書錄解題嘉定初上之朝

吳思齊左氏傳闕疑

宋濂吳思齊傳

梁椅論語翼

鄭宣古栢遺芳

吳梅四書發揮

栢蒼彙紀作元人誤

潘弼讀易管見四卷

朱熹尊經義考

以下元人

黃許易大意 書總斷

四書類觀

竝見宋濂黃府君墓誌

季仁壽易詩書春秋四經衍義

黃虞稷千頃堂書目案書目作龍泉人

乃其先籍

四書質疑

宋濂季公墓誌

葉登龍周易記

栢蒼彙紀

俞杰論語訓蒙

宋集書目

趙友桂易詩書錄辨

宋濂趙誥仲墓誌

夏小正集解一卷

經義考

王廉左氏鉤元

弘治紹興府志

三禮纂要

四書詳說

徐象

梅兩浙名賢錄廉字熙陽案一作希陽以下明人

何燾春秋誅意

兩浙名賢錄作春秋主意談

四書集義

王一中經書疏解

宋集書目

徐松諸經證辨

宋集書目

麻一琴易經訓解 四書正說 采集書目

史

王信武昌志三十卷 書錄解題郡守枯蒼王信成之命教授許仲應等撰 讀書附

志郡守古枯王信修 以下宋人

陳百朋枯蒼續志一卷 書錄解題 案解題有枯蒼志七卷教授曾貴撰乾道六

年太守四明樓璩叔韞序又千頃堂書目有枯蒼志補遺四卷樓公璩撰考公乃黃氏修敬之詞即解題之樓叔韞耳百朋蓋續曾樓二志之後宋史藝文志百作拍誤

葉夢雲通鑑發揮 枯蒼彙紀作葉夢登標元人竝誤

梁載處州路志 浙江通志 以下元人

陳康子通鑑節要 采集書目

王廉史纂 南征錄 以下明人

鄭宣綱目愚管二十卷 范邦甸進呈書錄 宋元綱目 采集書目

郡志補遺 枯蒼彙紀

盧鏜浙海圖 胡宗憲籌海圖編

何鏜中州人物志十二卷 九氏藝文志 枯蒼彙紀十五卷

萬曆七年刊范邦甸進呈書錄

葉志淑續處州府志八卷 萬曆二十三年刊

王一中靖匪錄 一名平妖錄天啓二年山東徐鴻儒之亂一中為巡按佐巡撫趙彥討平

之哀條教文 檄為此錄 柱下焚餘 東巡疏草 祿勳疏

草 采集書目 處州府志十八卷 浙江通志崇禎乙亥郡守朱葵聘郡人王

一中修

徐松栝蒼風物記 宋集書目

僧桂輪白雲山志 宋集書目 國朝人

子

葉宏孫子注 胡紘葉公墓誌乾道中奉勅撰 以下

潘叔豹筆志三卷 浙江通志引栝蒼彙紀作潘應發案彙紀作叔豹

吳思齊俟命錄 所錄皆聖賢順正考終之事思齊宋遺民撰此以見意又有擬周公瑾平

荆州碑魏司馬孚贊杜詩跋陳亮葉適二家文選又倣真德秀文章正宗輯宋一代詩文卷多未就見宋濂

吳思齊傳 全歸集 萬曆金華府志 案疑即俟命錄之異名也

黃許文通 宋濂黃府君墓誌 以下元人

季仁壽春谷讀書記二百卷 浙江通志入經部尚書類今考卷帙繁富疑非

專說一經者故次之子部 弓冶錄 詩林鉤元 策樞通覽

並見宋濂季公墓誌

祝定注竇太師標幽賦 以下明人

王廉書海通辨 弘治紹興府志 菱山迂論 廉攬據所著三禮纂要左氏鉤

元書海通辨三書及其他辨論經史之作為此書自序謂以論次迂闊目曰迂論廉所居在菱山因

以名書范氏天一閣書目作交山誤也兩浙名賢錄云麗水人而紹興府志亦載之

金文好生錄 栝蒼彙紀

金忠廣會集方 宋集書目

葉曾梅下餘言 宋集書目

戴銓會正錄 宋集書目

沈鍊兵法赤牘 九氏藝文志

何琮策府集要 宋集書目

葉焯遵制錄二十卷 栢蒼彙紀

盧鏜浙洋哨守冊 籌海圖編

李承勛名劔記一卷 陶珽續說郛

葉禎家禮便覽 卽葉堯禎 韻府釋義 宋集書目

何燾滄螺錄 效顰紀 好生錄 宋集書目

徐松皇極理數源流 宋集書目

錢金生居陵筆畧 宋集書目 以下 國朝人

王惟球冷香印譜 宋集書目

王尙忠哀餘問答一卷 宋集書目

黃電地理元文參同契一卷 宋集書目

集

姜特立梅山詩稿六卷續稿十五卷 書錄解題 四庫全書簡明目

錄正集已佚續集元本十五卷其雜文詩餘二卷後人所附入以下宋人

梁安世遠堂集 宋集書目

王信是齋集 宋史本傳

葉蒔萊山集 宋集書目

葉自勉岫雲集 宋集書目

葉宗璫蘭雪詩集 宋集書目

葉詵拙修文集 宋集書目

葉宗英玉林集 宋集書目

葉驥晉齋集 宋集書目

章良能嘉林集 屬鸚宋詩紀事字達之麗水人居吳興治熙五年進士除著作佐郎官至

參知政事并陽周公謹之外大父也

吳思齊風雨集 後主吳清翁家與謝臯羽方韶卿

交好同臯羽登嚴陵西釣臺哭文丞相臯羽卒又與同人會哭於小爐峯嘗與韶卿倡和臯羽序而

題其編曰 汐社詩集 宋詩紀事云見宋濂吳思齊風雨集

見宋集本有異

閨秀集二卷 書錄解題建安徐氏撰徐林穉山之從

璣為部使者有子曰永之嘗知滁州

陳繹曾文筌譜論八卷 古栝遺芳 古今文矜式二卷 焦竑

經籍志 科舉文階 栝蒼彙紀

潘弼宜山集 宋集書目

季仁壽春谷文集 宋濂季公墓誌

葉挺和陶集 栝蒼彙紀

葉浚石山樵唱 栝蒼彙紀

葉應咸棲閒集一卷 黃潛葉府君墓誌

陳鑑午溪集 栝蒼彙紀

趙友桂南泉稿 宋濂趙詵仲墓誌

僧以假白雲樵唱 范邦甸進 呈書錄

李參泉石稿 枯蒼彙紀 以下明人

祝金吟癡集 枯蒼彙紀

吳廷桓槐溪吟稿 枯蒼彙紀作宣平 人槐溪作桓溪誤 詠史詩 百

韻梅花詩

王廉芟山集 兩浙名賢錄作交山誤

潘初雉足稿 枯蒼彙紀

潘堯心巢雲集 枯蒼彙紀作潘伯濟書其字也

黃池石樓文集 枯蒼彙紀

王雋槐屋集 一作宣平人 友梅集 采集書目

吳允傳澗陰吟稿 枯蒼彙紀

王存誠如愚集 枯蒼彙紀

金文鏡潭雜咏 分省人物考 晉陽稿 干頃堂書目 履素閒

吟 和唐百絕 讞獄餘興 東遊稿 枯蒼彙紀

金忠襄天稿 東甌童子吟 枯蒼彙紀

塤箎和聲 兩浙名賢錄金文與弟忠倡和二集

金信溟蠡稿 枯蒼彙紀

金祺茅齋集 枯蒼彙紀

金祿白湖詩文集 枯蒼彙紀

金禔代博集

枯蒼彙紀

葉鉅樂叩集

采集書目

鄭宣古栝遺芳

栝蒼彙紀

汪瑛抱關稿

西巖集

栝蒼彙紀

葉炷椒山文集

栝蒼彙紀

南明紀游詩一卷

明嘉靖庚寅知府吳仲與麗水人郭復陳九疇遂昌黃中朱應鍾王順游南明山彙詩成卷天一閣書目入之總集是也而章士元後序云栝蒼黃公紀游之作則誤屬之一人矣書目又複

見史部地理類非

沈鍊青霞山人集五卷

萬曆會稽縣志

鳴劍集六卷續集

六卷 塞垣尺牘

並見于頃堂書目

何鏜翠微閣集

古今游名山記十七卷

鏜集錄名

成浙江通志失標古今字入之地理類非也焦氏經籍志云一刻四十六卷名山勝槩記鏜字振卿天一閣書目作何振亦誤浙江通志有鏜修攘通考在史部地理類高寺往事在史部傳記類鏜別有歷代輿圖已奉禁

葉禎石川稿

即葉堯禎采集書目

何燾青桂軒集

舒嘯東臯

采集書目

王一中瑞芝堂集

采集書目

葉仕績素樸子詩集

采集書目

辜存衷甌廬草

蓮甌子集

采集書目

陳大受問天樓草

采集書目

以下

國朝人

錢金生海槎歸詠 采集書目

陳大鵬怡情集 采集書目

王惟球小自在山房文集 珊瑚鉤詩草 采集書目

王尙忠芝庭詩鈔 采集書目

張繼書竹莊詩鈔一卷 采集書目

董鳳池信天翁詩存一卷 靜廉齋病榻近吟一卷

采集書目

張惠暢悟禪遺稿一卷 采集書目

章志源夢餘軒七律一卷 采集書目

徐望璋芸亭詩鈔二卷 采集書目

張芳年富山堂詩鈔四卷 采集書目

林育萬豆蔻村人詩稿二冊 采集書目 原本未定

朱有章燼餘殘稿一卷 采集書目

姚士麒閩嶠宦游草一卷 退食閒吟草一卷 采集書目

存考諸目 凡舊題 栝蒼人而確非麗產者皆不收其 未審為何縣者錄以俟考

清夜錄一卷 吹劍錄四卷 干頃堂書目俞文豹著 栝蒼人字文蔚 吹劍

錄有清祐三年自序

吹劍錄外集一冊 范邦甸進 呈書

東園叢說二卷 李如篋撰有紹興王子自序稱栝蒼人時為桐鄉縣丞考正德崇德志如

篋字季膺崇德人晚以特科官桐鄉縣丞則即一人矣四庫全書目錄以其中多不似南宋人語疑為依

樂書一卷 宋史藝文志 李如篋撰

琴說一卷 同

古樂府十卷

同

輿地要覽二十三卷

同

雅林小稿一卷

陳思雨宋名賢小集古枯王琮著字中玉監永嘉酒稅

耕錄稿

百川書志宋枯蒼胡筠國器編

希古集一卷

書錄解題枯蒼何宗姚取投壺新式及馮氏射法為一編

留子九篇

千頃堂書目留睿字若愚一字養愚枯蒼人

為政勸懲錄前集十卷後集十卷

百川書志元枯蒼友葉留景良編

案書志文有說脫

鮑以行詩

杜本谷音鮑軫字以行枯蒼人性嗜酒投簡萬言教授得錢悉送酒家遇客盡飲乃

去晚益傲誕衲衣髻結游青城不返案谷音收以行古今體詩皆工而不言何集

枯蒼集三卷

宋史藝文志詹淵撰案淵未知係枯人抑仕宦流寓

枯蒼後集五卷

宋史藝文志陳百朋撰

枯蒼別集四卷

宋史藝文志柳大雅撰案大雅未知何人書錄解題聯枯蒼集後集別

集為一目云郡人吳飛英陳百朋相繼纂輯無詹淵柳大雅名今考飛英龍泉人

富川志六卷

書錄解題軍學教授枯蒼潘廷立撰太守趙善宣紹熙四年也軍治永興本富

川縣故名

道德經廣聖義三十卷

景文總目唐杜光庭撰以明皇注疏演其義

古今

類聚年號圖一卷

帝王年代州郡長歷二卷續

成都記一卷

錄異記十卷

並杜光庭撰見宋史藝文志

洞

天福地嶽瀆名山記

天一閣書目案光庭又有王氏神仙傳四卷晁公武曰

光庭集王氏男真女仙五十五人以諂王建陳振孫曰當王氏有國時為此書以媚之謂光庭有道

吾不信也考宋史藝文志又載光庭帝王崇道記等十餘種凡八十卷茲不錄宣和書譜云光庭栝蒼人而不詳其縣也案栝蒼彙紀謂光庭嘗修真於城東紫虛觀則或爲麗人也天一閣書目所載卷數與宋史時有異同別有清淨經四注中列杜光庭名

風俗

唐刺史韋紆栝郡廩壁紀云地險而瘠人貧而勞繭絲之稅重倍他郡雖逢穰歲未若他郡之平年今方物不責以繭絲而貧瘠猶古也然休養之餘導以鄉義瘠土者轉易爲力則未始非美矣聯綴瑣事以備採風一二占驗里語亦附見云

俗敦禮讓重廉恥衣斥紈綺食甘粗糲餉賓具鷄黍幸以四簋加隆乃倍之女勤紡績不爲燕游諺云好男不當兵好女不觀燈父老相傳以爲少歲見聞如是今已大異於古所云矣

女待嫁於雙歲年自織大布與母親染茜紅擇吉製被襖袒衣之屬戒孕婦及媵者見之迎奩時擔草蓐插通草花於上以毀儀從之末嫁事漸以增華二者猶循古也

聘禮之奢者侑以簪珥帨復飾文綺爲人物花卉珍禽異獸各數十事輿從多人導以鼓樂嫁者因以加豐或至耗其生產里俗誇羨以爲飾觀故諺

云千金嫁心不足百金教子如剜肉

親喪即免經執繳走告所親曰報喪否則以為不恭

延僧道誦經曰開喪七日建設道場曰超度先一

夜孝子執魂幡率眷屬尾僧道詣門外西向俯伏

僧道誦經畢贊曰哭則大哭執香焚紙鏹以歸曰

接七

王尚忠哀餘問答異哉俗也親喪大故乃死骨未寒而途人置之僕僕於他氏之門附棺

附體誰之責乎不祥之服及於門閭方將以桃菊

被之顧責以必至焉是何心也哀至則哭擊胸祖

踊不能自主也而聽於僧道以為之節九非所知也嗚呼誰作之偏而橫流至此習禮君子幸有以

掃墓多以寒食節及孟冬朔日至親生卒之日必祭

於享堂以望族而外不盡立宗祠也殆未協萃渙

之義云

地無珍產商賈鮮通每月郡城以三七日為市碧湖

以丑辰日為市所陳諸物率鷄豚米粟之類暘雨

偶愆則米價驟騰質復濫惡糴升斗者深以為病

舊志之言如此今尚未革云

前代有南明九龍蘇步石牛寶定均溪官

橋下河青林堰頭太平巖泉葛渡等市今俱廢

土人循山開田高低鱗次或數級纔能盈畝惟賴山

水灌注縣令方亨咸詩所謂田澆峯頂兩山擁馬

頭雲也土多勃壤不能蓄水夏至後晴稍久民間

輒數十百人相將入山取潭水中鱗介之屬以回
曰取龍入城投牒官長請行禮畢迺去

唐時禱雨於北山麗陽廟有甘雨隨車之應今於城

中立壇

或靈水宮
或天后宮

有司朝夕步禱不應則士民赴

白雲山禱大士進水簾洞取龍謂之取官龍文武
官咸迎於望京門既至虔禱如初再不應則改禱
於天堂洞焉

俗尚巫鬼病者延醫不效必召巫巫鳴笳鼓曼聲倡
俚語謂之高臺招魂事畢書符封門阻客三日往
往醫不及施邇來黠巫恐術敗倡爲醫生不忌入

買藥不忌出之說愚民憑其顛倒而不悟也

婦女敬事夫人卽所稱順懿夫人護國馬夫人也順

懿廟在太平坊鶴鳴井者香火尤盛凡求子者必

赴廟虔禱兒生自洗兒及彌月週歲必設位於家

供香花招瞽者唱夫人遺事曰唱夫人每歲上元

前二日司事擇婦人福壽者數人爲夫人沐浴更

新衣次日平明陞座各官行禮士女焚香膜拜絡

繹不絕至夜昇夫人像巡行街市張燈結彩鼓吹

喧闐小兒數百人皆執花燈跨馬列前隊觀者塞

路至元夕南園管痘夫人出亦如之

雷學海上元
燈社歌香烟

滂起夫人宮尊壘清潔羊豕豐僉曰懿德慈惠蒙
神麻衍羨神聽聰提攜赤子歸併蒙佳祥人夢罷
與熊繩繩慶衍詩三蠡神降之吉正月月中太守卜
祭龜筮從手持辨香前鞠躬祝民無怨神無恫鸞
驂出御儀仗雄五花紗障新盤絨剪絲畫燭行人
共燈光夜照青山紅連錢寶馬拳毛驄甯馨按轡
何從容繡襦珠珮交蘇胸乳香流溢垂絲懸其鼓
駭駭無或忪扶持保抱伊神功高樓羅綺依簾櫳
口宣神號相于喁破顏亦有華顛翁孩時逐隊今
龍鍾廣衢延佇心忡忡縮符自愧非黃糞魯人獵
較隨土風作詩歌唱付瞽矇神人和洽春融融
層本仁和詩斗柄乍轉蒼龍宮暖風吹雪條不封
鶴鳴井畔椽燭紅盈千百枝如傳烽於菟穩跨連
錢驄絲絲銀索低垂胸據鞍蹀躞山城自南自
北自西東皓月一鑑懸精銅蟾輝蠟燭相交融四
山晃耀青夫容惟神懿德昭肅雍蕃釐祠宇香烟
籠傳芭唱讚旨老公悅辰燈節今疊重禱祠古禮
高禱同但願生子明且聰無菑無難資併蒙至誠
於神能感通太人之占巽與熊振振者麟說說益
者大歡喜無餘恫梧州太守雷次宗美政多於渤

海糞視民如子愛所鍾賦詩紀
事志敬恭鑄之樂石垂無窮

元日蕭衣冠禮神及祖然後互相慶賀或折柏枝聯
柿橘懸諸門謂之百事吉以方言橘吉同音也

立春日然香燭蒸樟樹枝於庭謂之接春放爆竹謂
之彈春

正月十三日巧製諸燈畢集於市謂之燈市夜則廟
中皆張燈火民家亦懸燈競勝謂之上燈夜

未驚蟄前聞雷必大風雪謂之雷雪風甚有四十九
日始晴者

春秋二社前具鷄黍當街設祭祭畢讌飲謂之燒介

福

社日田野祀穀神是日播種謂之社秧婦女出游謂之嬉社

三月三日賽囿山溫元帥廟昇其像巡街逐疫所至皆設祭演劇鬼裝前導者黃金四目詭狀殊形出行春門至下河而回

清明節煮蓬葉爲汁和米粉爲糗粒謂之青蓬點心又名寒食果必獻其先蓋禁火遺意也

立夏日煮筍豆和粳米作飯謂之立夏飯云是日食梅則辟飛絲食筍則胥健

端午門插蒲艾婦女作繭虎繫長命縷與他處同向有龍舟之戲因舟覆戒勿爲嘉慶初總戎韓正國謂可藉以教水戰選健卒數十人習之放鳴中流先至者任取之自是以爲常道光十九年水漲舟覆死者五人復戒勿爲矣

夏至日農家具酒肉祭田間曰做田福是日見禾穎先茁者曰挂榜取盂水曝日中抹小兒面背云不生痲子是日聞雷多旱諺云夏至響雷公塘裏好栽葱

六月初一日雨則禾有蟲患謂之放稻蟲初二日再

雨則無患謂之殺稻蟲

六月初六日曝書晒衣云可辟蠹兒童浴狗於池以爲故事

六月十九日多雨謂之觀音颶二十八日昇麗陽廟三神像出巡是日多雨謂之麗陽颶

七月七日婦女解端陽繫臂絲縷團飯拋屋上謂資鳥鵲填橋夜則陳瓜果乞巧焉

七月晦日於門外燃燭焚香或燔柴於路謂之點街燈云爲地藏神慶生辰也

臘之二十四夜祀竈必設飴錫謂膠竈君牙齒除夕懸先人遺像於堂祭畢而飲謂之契分歲少者禮長者謂之辭歲

畬民不知其種類云順治十八年由交趾遷瓊州由瓊州遷處州結廬深山務耕作畬婦戴布冠綴石珠赤足負戴土著者賤之斥爲盤瓠遺種嘉慶八年巡撫阮元會同學使文甯咨准一體考試其散

居温州者於道光六年援例求考諸生稟於學使朱士彥云照例身家不清白者不准與考泰邑畬民皆作輿臺爲人役身家未爲清白奉批不准與考麗邑畬民亦有與之相類者當分別觀之也案俗

呼畬客書其字為畬音如蛇考韋昭國語注云西
 甌之民謂之蛇種輿地志云交阯周時曰駱越秦
 時曰西甌則其字正可作蛇耳徐望璋詩衣斑
 爛履苴蘆薪擔壓肩走風雨覆髻筠筒綴石珠自
 稱槃瓠我之祖面目瘡且黥鉤鞞獠語何支離名
 稱更可怪呼畬作畬終無稽耕不療飢歉歲仍賑
 災休問宮倉陳麻布單衣着兩層朔風吹壁
 寒欲冰蒸來茅草蓬蓬火促膝團坐温如春

物產

邑無珍產常者人所共知故舉其名而畧其形質

惟里語別異者著之禽魚花草之屬為類尤繁無

異稱者并畧其名

花如牡丹草如半夏羽如鷄鶩皆所不錄

李玉溪著

蜀爾雅皆采蜀語為之斯其類矣

穀之屬

秬 有赤白二色俗呼六十日又呼早黃

粳 有數種早者曰細葉書曰黃牙白中者曰大竹

青有芒曰芒丁晚者曰晚稻

稻 俗專以稱糯與說文合有紅白二色七八月收

者曰早糯九十月收者曰寒糯又有黃驚糯草鞋

糯觀音糯火燒糯諸名

稷 黍 俗均謂之蘆稌

玉蜀黍 俗呼苞蘆又呼觀音米多種山中山經墾

善崩良田多被害

粟 古以不粘者為粟粘者為秠俗通呼粟米歉歲

或藉以爲糧

穆子 俗呼鷄爪粟即釋名所云龍爪粟也

麥 諺云麥喫兩年水土音同許只怕清明前夜雨故多

種之高田沙地小麥之最早者名三月黃無芒者

名和尚麥四稜者名羊尾巴又有稞麥穰麥俗呼

類大麥多食輒患張

蕎 俗呼蕎麥又呼花麥性畏霜有夫愁霜信早婦

嘆雪花遲之諺又有苦蕎味苦惡聊可濟荒爾

菽 俗通呼曰豆釋名所云大小黑白黃褐青斑者

皆有之晚收者曰寒豆用尤廣其他稱名之異者

穉豆曰馬料豆豌豆曰蠶豆蠶豆曰羅漢豆菹豆

作弓彎者曰羊角豆黎豆之彎而短者曰八月豇

長而闊者曰刀豆

胡麻 俗呼脂麻有黑白赤諸色

貨之屬

苧麻 初鮮種者乾隆間江右人來種之今漸廣織

成呼曰腰機布

葛 山中多有之不知練治惟取以淘粉耳附練葛法夏月

葛成嫩而短者畱之一丈上下者連根取謂之頭

葛如太長近根有白點者不可用無白點者可截

七八尺謂之二葛採後即挽成網繫火煮爛指甲

二宿九白安
陰處忌日色

棉 有高矮二種色遜於越產而溫暖勝之

靛 俗呼靛青閩人始來種之俱在山今漸種於田矣

茶 北鄉為上西南次之

菜油 榨芸薹子為之俗呼香油

茶油 樹高丈許花葉皆類茶子大如龍目屑以為油近歲始盛鄰郡資之

麻油

桐油

柏油 成於仁者名青油以燃燈成於皮者名皮油

以造燭

紙 實理麓疏僅供市肆筆墨俗呼山裏紙案周公謹癸辛

雜識云枯蒼為軒樣紙小而多其層數至十餘疊者今不復有此矣

蔬之屬

韭 張升邨梅籜隨筆云枯郡向無黃芽韭自張荔

園教園丁種植遂傳其法今春前半月即來獻新名一束金張名駿嘉慶初教授

葱 有冬葱漢葱樓葱又有蒼葱生山谷俗呼野葱

薤 俗呼了菝

蒜

芸薹 俗呼油菜梢

菘 種不一通呼曰白菜有箭幹白山東白諸名別有黃芽者尤脆美

芥 有青芥紫芥花芥諸目其叢莖細葉者名九頭

芥

萊菔 俗呼菜頭夏秋出北山陳寮冬則水南為佳

薑 產一都及四都陶弘景云乾薑惟臨海章安嶼作之蜀漢荆州有好薑不能作

乾者麗水為古章安地則產此已古矣惟乾薑在處有之陶氏所云殆非常製今不可考

同蒿 俗呼菊花菜

胡葵 俗呼葶葵與博物志合

芹 生陂澤者曰水芹生平地者曰旱芹

菠薐

薤 俗呼空菜有水陸二種

菘 俗呼甜菜即本草所云菘藟也

莧 有赤白二種

馬齒莧 俗呼酸莧多乾食

鴨脚葵 俗呼馬蹄莧

苦菜 俗呼苦蕒有高矮二種赤白色

蒿苳 有高矮二種紫白二色

黃瓜菜 生田澤形似油菜味少苦氣如黃瓜可嚮
蕨 搗根取粉可其澇隨俗呼山粉凶歲或以為食
芽為菹甚美

薺 俗呼香薺

芋 凡郭儀恭廣志所載十有四種皆有之色紅者
尤勝有一魁百子者以區田法種之一畝可收百
斛

薯蕷 俗呼為諸音如齊有紅白二種大者一枚重數

斤圃人種於薑畦旁藉其藤蔓以蔭薑

番薯 俗呼地瓜嘉慶初尙少近歲始盛農家乾之
以為糧

零餘子 藤蔓同薯蕷而根極小子大如蠶豆名老

鼠諸音齊

百合

老鴉芋 枝顛作五六花互相攢簇有紫白二色根
如水仙凶年以為食必淘洗累次故亦呼三十六
桶

草石蠶 俗呼地蠶生下濕地及沙磧間麥隴尤多
色白狀如蠶味如百合以萊菔汁及鹽菹水收之
則色不變醬漬蜜漸皆宜

筍 有貓筍冬筍筍雷筍筐筍石筍諸種

茭 俗呼茭筍

茄 俗呼落蘇

壺盧 細腰者曰壺盧蒲長如越瓜者曰麥梗蒲以

引蔓藉以麥梗也腹大有柄者曰木杓蒲

冬瓜 有大小二種大者重二十餘斤

南瓜 俗呼金瓜有名盒盤者大七八斤

越瓜 俗呼梢瓜

胡瓜 俗呼黃瓜

絲瓜 俗呼天蘿

苦瓜 有長短黃白各種

蔞菜 俗呼籬笆菜

土菌 俗呼狼衣蕈間有毒能殺人或笑不止或噤

不能聲

陳藏器本草云春冬無毒夏秋有毒有蛇蟲從下過也夜中有光者欲爛無蟲者煮

之不熟者煮訖照人無影者上有毛者下無紋者仰卷赤色者並有毒殺人其毒者以地漿及糞汁解之案毒必蛇虺所致蛇虺驚蟄後始出俗傳驚蟄後採者無毒謂之天雷蕈或非也

果之屬

李 俗呼麥李與陶弘景述京口語同種類不一名

鱔魚頭者甚美

杏 俗呼杏梅

梅 有黃梅鐵梅苦梅諸種

桃 有五月桃粘肌桃胭脂桃碧桃白桃諸種不用

他木移接故仁尤宜藥又有山桃實惡而材美

栗 有大栗榛栗茅栗差小俗呼指甲栗

棗 實小不及葵產

梨 俗呼鶯梨亦呼消梨有名六月消者尤甘脆

棠梨 有大小赤白數種

海棠

林檎 俗呼花紅

山楂 俗呼山榴紅亦呼麻楂有黃赤二色府志作

唐求子蓋棠棣之誤見圖經本草

柿 有數種大而扁者曰汪柿最美去皮風乾大者

曰柿餅小者曰柿花又有稗柿未熟而取擣汁為

柿漆出碧湖

石榴 有紅白二種

橘

柑

橙 俗呼蜜團柑

柚 皮皴者曰壽星頭瓢紅者曰紅柚可食餘種多

酢俗通謂之泡

香櫞

狗櫞 色紅不香與香櫞異

金橘 有皮甘而瓢酢者有皮瓢皆甘者

金豆 實大如豆枳類也可蜜漬

枇杷

楊梅

櫻桃 俗呼櫻珠

銀杏 俗呼白果

西瓜

葡萄 有紫白水晶數種別有小實酢味者曰野葡

葡萄 俗呼蔓菓也

獼猴桃 俗呼藤梨大如鷄子經霜始熟多爲獼猴所食故先期摘之納於糠中以待熟

甘蔗 俗呼糖蔗節疏而瘦卽陶宏景所謂荻蔗也

蓮實 近年始繁利倍於稼然非崇本之術也

菱 俗呼水菱

芡實 俗呼鷄頭菱

木之屬

栝 山多產此故以名州匠者斧斤交至轉成希覯矣

柏 有側柏刺柏俗呼側柏曰扁柏垂條者曰柳柏
松 土音呼松為從松肪曰從明又有雨松雖酷暑

晨含重露 癸辛雜志松皆雙股故世以為松釵
獨栝松每穗三鬚案今三鬚者希有

桂 有丹桂金桂銀桂諸種其每月作花者曰月桂

櫟 堅理含脂者曰油杉理疏色黃者曰糠杉枝葉

下垂者曰柳杉又曰榲杉質以次降

榘 碾其實為粉曰漏粉獻歲以饗客今以非珍品

斥不用矣

櫛 理堅而黑者曰鐵櫛理細而黃者曰黃蠟櫛理

粗性暴者曰筍殼櫛遇濕不朽著火不燄材之美

者實如榛而小俗呼苦櫛乾而屑之調以湯其潔

色如瑪瑙暑食為宜

樟 有紅白二色紅者不蛀

黃檀

桐 有梧桐油桐毛桐油桐以榨油毛桐作書檣不

受濕

梓 向無此樹嘉慶間教授張駿移自武林植之府

學

榘 理細色白近濕則易朽

楓 葉小微紅者積理而澤葉大色赤者蔽暴易朽

榧 呼其實曰殼榧

榭 俗呼大葉榭葉宜擦錫器

榆 俗呼細葉榭又呼仙人茶屑其根皮以和香曰

榆麩

楮 埤雅以皮白者為穀皮斑者為楮俗通呼為穀

椿 葉香可食者曰香椿葉臭者曰臭椿不食惟根

皮可治腸紅

冬青 葉大者材亦大理澤而善暴不中梁柱葉小

者材小宜種白蠟

柏 俗呼蟲子樹

栲 俗呼水勾樹多種溪邊根能絡石以因堤

將軍樹 產南明山中皮能療中惡腹痛諸疾

檜 柏葉松身惟縣西三十里椒山一本相傳邑人

葉挂自豐城攜植多歷年所枯而猶翠

桑 俗無蠶績不加移接聽其榮落而已

案元和郡縣志處州

貢綿絹是古宜蠶桑也不知廢於何代余近遣人至湖州購桑數萬本教民種植蠶事可復興矣

綠柴 葉大者曰大葉綠葉小者曰小葉綠冬間取

皮漉汁霜晨染布露於陰地日中曝乾凡四五度

布作慘綠色婦女以製衣裘

方竹 產滴乳巖

花之屬

蘭 春初花者曰春蘭夏初花者曰大麥蘭冬初花者曰冬蘭修葉大叢者曰建蘭以其種來自閩也別有風蘭生大樹上以椶片懸裏簷下花白如玉葵 向日而大者曰日頭花蜀葵曰一丈紅黃者曰秋葵矮穗小花者曰錦葵

蕩 俗呼金針菜

木槿 有紅白二種俗呼千年梨白花可治血疾

月季 俗呼月月紅有紅白紫粉數種三月花尤盛者曰插田紅小兒痘疹倒陷服一花即起無花以

根代

杜鵑 俗呼山茶花又呼赭豹花以土音赭謝相近如越人之呼社豹射豹也有紅曰粉茄數種花大而黃者有毒牛食之即斃

郁李 俗呼灼李

鳳仙花 女兒以染爪故呼指甲花

頰桐 俗呼丁東花

草之屬

栝樓 俗呼狗瓜

枸杞子 俗呼紅燈籠

牽牛子 俗呼銷食子

車前 俗呼蝦蟇衣

木蓮子 俗呼膨脗 土音讀如攀烹

絡石 俗呼牆絡藤

射干 俗呼蝴蝶花

骨碎補 俗呼獼猴薑

大小薊 俗呼野紅花

夏枯草 俗呼九重樓

敗醬 俗呼苦蕒菜

蒺藜 俗呼稻擎

葳 俗呼魚腥草又呼野蒼麥

蓼 俗呼葶蓼有大小數種

淡竹葉根 能愈消渴方書未錄故及之

金線重樓 俗呼七葉一枝花又曰草河車

鬼臼 俗呼八角金盤

酢漿草 俗呼老鴉飯

虎耳草 俗呼膳脰草

石胡荽 俗呼遍地錦 非血見愁之地錦

仙人草 俗呼摘星草以寒鼻能去目中星翳也又

呼偷雞草以小偷遭扶輒服之也

覆盆子 俗呼大麥莓 爾雅鹿藿實范上者呼莓如范蔓生有榦生者熟時郭公鳥食之因呼郭公莓又有寒莓蔓生實小性熱根可療風簷眼又有實小而瑣碎分綴者曰蛇莓有壽

羽之屬

鵲曰喜鵲 烏曰老鴟 鳶曰老鷹 鷹曰麻鳥鷹

鴟鵂曰狼虎 鴟曰逐魂 百舌曰馬桑 四喜

曰喜叫叫 練鵲曰拖蛇鳥又曰拖蟹鳥以能食

蛇蟹也 黃褐侯曰畫眉舅 麻雀曰馬鳥 馬音

之

毛之屬

虎曰大貓 黃腰曰兩頭鳥 首尾皆黑惟腰黃遇鳥

中遇猴羣一一揣其輕重小猴恐據草根不即起謬以為重拾一葉置其首而去俟飢而食之或風落所記葉猴自拾置頂上不敢遣又能啗毒蜂蜂房大如數斗栲栳以上塞眾門而留其一時其出撲食之孫恂云穀似豹而小食獼猴名黃腰即此也 鼬曰黃鼠獅 豪豬

曰簪豬 貉曰土狐 獾曰獾豬 獾曰獾狗

香狸曰九節狸

鱗介之屬

鱧曰鱧魚 鱮曰胖頭魚 鮠曰草魚 白魚曰青

聊 鱸曰鱸茨 鰕曰畫魚 鱧曰烏鱧又曰七

星魚 鯽食棟花變金紅色者曰金鯽魚 金魚

曰火魚 黃頰曰黃魴刺 河豚曰膨氣魚 膨呼

切又曰玳瑁魚 孫炎題好溪圖詩云好溪水生玳瑁魚朱彝尊惡溪詩云中有玳瑁

魚可以 薦佳客 鮠曰鮎袋 鱖曰魚鰍 鱣曰黃鱔 背

斑文者 蚌曰蜆殼 蜆曰黃蜆 蛙曰田雞 殺人

山獷曰石蟾

蟲之屬

花白蛇曰蕲蛇 以狀與蕲產者同 守宮曰蟻虎 蟬曰蟻

蟻 蚘蟻曰草鞋奚 鼃曰水娘狂 水蛭曰馬

蟻 土蠱曰扁擔蟻 蚯蚓曰蠶蟻 音 竈馬曰

蟋蟀 蟾曰壁蟾大者曰壁蟹

金石之屬

鐵沙 向出雲龍二邑道光十四年沿溪飢民試淘

而得今亦有資以為生者

浮金 大溪沙面映日灼爍取而澄之宛若銅屑但

不堪鎔鍊耳

自然銅 產十六都黃畈亭山中

磁石 俗呼吸鐵石產梅田山大岡背

方解石 俗呼土水晶產巾子山中又老鴉阮產白

石堅如玉俗呼老鴉銀

案北山舊云產礦明代中使督促匪徒嘯聚幾成大變僅乃得安然礦質凡劣竭鎔冶之巧不能成

良金徒召亂耳後之言利者慎
毋以無益之物獻媚而構禍也

麗水縣志卷之四

麗水縣知縣黃平彭潤章重修

兵戎

災祥附

麗處山陬非必爭之地而小醜跳梁唐宋以來往
往有之我

朝休養二百餘年民物滋豐久不睹旌旗之色矣咸
豐戊午辛酉三經粵匪之變蹂躪酷焉核實書之
居是邦者慎毋以辟陋爲無虞也其他水旱癘疫
之災并綴列焉

唐

案資治通鑑云寶應元年台州賊袁晁攻陷浙東諸州栝蒼彙紀因之然通鑑明著信溫等州而不及栝則栝或未陷也惟唐楊光于赤石樓隱難記有袁晁攻陷當州語然記誤寶應為開元不足據

梁

中和元年十一月遂昌賊盧約陷處州

案溫州府志以約為松陽

賊今從資治通鑑又考光于隱難記作於中和二年有太守張公遠降分符語是陷後曾經收復也

開平元年四月錢傳瑋討盧約於處州五月約降

案

紀書盧約事云中和元年約攻劫青田等縣命姪佶陷處州即留守之及吳越王遣兵取溫州逮捕佶至臘口而卒約來據州為刺史自鎮一方多所建置刺史施史君率兵屯寨收集義勇討約誅之今考克讓之德非所望於盜賊約既陷處州推而弗有甘心與佶恐非情實佶既就逮則吳越勝兵自宜守土約適從何來使爾自鎮一方乎施史君官為刺史所刺者何州命之者何朝奚為隱而不言且統軍決勝而募義勇於敵境主客勢殊義於何屬約之興發首尾廿有八年而以中和元年統之似泡滅漚生僅延晷刻幾於林童之戲劇矣今從資治通鑑正至約之官職出其自署浙江通志書約為唐昭宗時栝州刺史竟以偽署為真除殆所未安又以為五代時浙江安撫副使更不知何據也

宋

宣和三年睦寇方臘黨洪載由婺州陷處州尋趨溫

州溫城守嚴不得逞復取道處州去

案彙紀不言洪載還書方

臘誤今據宋韓元吉禮德祠碑正至碑云賊犯懿德鄉鄉人蔡子昇梁將梁惠斬首二千賊聞王師來欲赴海而溫已嚴守備且畏我軍乘其後遂納款似賊未薄甌城者考溫州府志實相持四十餘日碑未為得也今從溫志

元

至正十一年閩寇犯處州江浙行省檄温州守石抹宜孫平之宜孫以功陞浙東宣慰副使頃之山寇竝起宜孫復奉省檄討之築州城爲禦敵計

十六年賊鄭甲攻城郡人葉琛章溢胡深合兵擊之

甲敗走浮雲鄉

今屬雲和縣

溢出奇兵擣其巢降之

十

七年浮雲泉溪村復有山寇嘯聚事以非今境不書後俱倣此

十七年行省陞石抹宜孫行樞密院判官總制處州時盜賊憑據險阻輒竊發宜孫用經歷劉基參謀胡深等謀殲殄無遺類

十九年明祖遣僉樞密院事胡大海行樞密院判官

耿再成由婺州進取處州石抹宜孫遣元帥葉琛

屯桃花嶺參謀林彬祖屯葛渡鎮撫陳仲真屯樊

嶺以禦之明兵連勝進薄城下十一月壬寅克之

宜孫將數十騎走建甯圖恢復尋知事不可爲歎

曰處州吾所守往死耳走還慶元明年六月再成

追躡之宜孫戰死

案元史云爲亂兵所害今從明史

再成守處州

二十二年二月金華苗帥蔣英等叛殺胡大海處州

苗帥李佑之賀仁德聞之亦作亂殺耿再成都事

孫炎知府王道同元帥朱文剛竝死僉行樞密院

事李文忠方撫定金華調兵屯縉雲以圖之會再成子天璧奉命起發苗軍中途聞變馳至文忠所得再成舊部千戶朱詢等合兵進剿仁德禦於劉

山敗還嬰城自守天璧攻克之仁德佑之俱就擒

案明史耿再成傳云天璧聞父難糾部曲殺賊比至李文忠已破賊斬之遂以天璧守處州而李文忠傳但云苗軍殺耿再成叛文忠遣將屯縉雲以圖之初不言其究竟或未為得實也今從樊獻科安遠將軍耿餘軍遁去相聚掠金華守將迎戰敗公配享碑

死乘勝復陷處州夏四月己卯親軍指揮胡深從

平章邵榮攻克之酋黨悉伏誅

案彙紀書胡深事於明洪武元年考深已於元至正二十五年六月死於建甯矣今從明史太祖紀胡深傳正

二十五年二月己丑福建行省平章陳友定侵處州

參軍胡深擊敗之

明

永樂二十五年五月縣民周叔光與福建政和民王

均亮等聚眾數千人往來兩省剽掠為害事聞兵

部尚書李慶等議調沿海備倭都指揮張荔率兵

捕之文淵閣大學士楊榮金幼孜共進曰此愚民

窘於衣食求活朝夕耳寬之當自散急之且堅其

盜心況兵戈所加不免枉及善良願更思處置之

宜上曰卿言良是未幾皆就撫

正統十四年春正月山賊葉宗留等攻城宗留宣慈

鄉人今屬宣平縣明史張驥傳以為慶元人故礦徒九年七月與陳

鑑胡陶得二等聚眾盜福建寶豐諸礦參議竺淵

往捕被執死遂流剽福浙江西境上勢張甚已而

鑑胡以忿爭殺宗留案湯斌撰張楷傳云楷使指揮戴禮往戰黃柏舖宗留中

流矢死今從明史張驥石璞二傳專其眾自稱大王建元泰定署

偽將帥攻劫金華諸縣官兵屢失利進掠遂昌敗

於街亭橋走還宣慈至是突出破橋今屬宣平殺分守

參議耿定僉事王晟乘勝圍城監守銀冶御史李

俊知府張佑日夜戒嚴縣人葉鉅乘間踰南明門

入見俊佑建議發庫藏募勇敢斬賊一級者賞銀

五兩應募五百餘人鉅領之出通惠門敗賊於後

溪賊焚掠西鄉去鑑胡之始舉也倚閩賊鄧茂七

為聲援僉左都御史張楷征茂七茂七死鑑胡勢

孤

夏四月浙江巡撫張驥命麗水丞丁甯老人王世昌

等齎榜入賊巢招之鑑胡偕其黨出降惟陶得二

殺使者入山為亂如故鑑胡至京宥不誅更遇赦

釋充留守衛軍也先入犯乘間亾走被獲伏誅案張

驥傳鑑胡降在四月景紀則書處州賊平於九月蓋據傳至之日為言也今從傳集紀既誤以張驥

為孫原貞又云誘致鑑胡宗留械送京師議將免死會脫綱子疏雪父冤鑑胡伏誅宗留歷功北邊賞以武職逃歸亦伏誅考宗留已前死無由至京其云歷功北邊者益因鑑胡充留守衛軍而傳訛也脫綱得贈卹以景泰二年孫原貞之請非因其子疏言也

五月別賊劉四劉五陳三等復聚眾奇山肆劫掠指揮沈麟與戰於澹灘敗死葉鉅率鄉兵三千戰於後坑坎擒劉五斬陳三追至新嶺而還劉四復鳩黨祝子光等入奇山會官兵繼至潰去

六月陶得二黨徐浩入富隆鳩王孟友等圍城造呂公車攻巖泉望京二門李俊實薪油籠燃火擲之賊稍却射以強弩賊退屯教場俊選民勇授以

筈銃礮分三道擊之斬隆鳩等千餘級生擒五百餘人餘賊敗走北鄉都指揮同知脫綱輕騎追之連勝至破橋賊出不意還擊之軍潰單騎轉戰死

景泰元年鎮守浙江兵部侍郎孫原貞進兵搗賊巢俘斬賊首陶得二等招撫三千六百餘人追還被掠男女踰月分兵剿平餘寇奏析麗水青田二縣地置雲和宣平景甯三縣建官置戍盜患遂息

案

紀以招降得二屬之都御史張楷不及原貞一字考楷明史無傳惟附見其孫昂傳中不言平寇事惟湯斌撰楷傳云正統中擢左僉都御史監左都督劉聚等軍討福建鄧茂七茂七死麗水盜陳鑑胡未克楷旋師協檢之據此則楷乃協剿非主兵也今定從明史孫原貞傳以彙紀所載事蹟較詳

且小有異同附錄備考 〔栝蒼集紀閩寇稍平詔都御史張楷移師討宣寇過蘭谿御史黃英林廷舉來會請速進兵楷至處屯兵平地賊衆萬人索戰楷令左右夾擊之得二大敗引衆去千戶沈俊云部下多麗水鮑村人父兄子弟陷賊者衆可往招之楷令賞榜入山反覆譬曉得二出見楷優加賞賚遂與葉希八楊希勉等十餘人來降楷給帖令復業得二旋懷疑懼擁衆如故其在慶元大社者又出掠麗青等縣未幾璽書諭楷等撫處已降毋相擾激楷復遣使入山招之得二盡焚其寨出降餘黨聞風散去楷班師回得二復叛攻武義劫永康警報至阮孫二總兵即議出師且榜示逆順賊渠青田沈風麗水徐浩入王志誠葉懷濟王孟紹等悉來首伏誓立功贖罪得二聞之懼遁破橋自守官兵進營官橋白橋祝村猛湖分三道入破橋孟紹當先陷陣賊敗退守柵門諸義勇越山後焚其巢得二遜匿東渠山不出既而諸寨悉平令軍快搜山得二懼夜往南湖營欲見楊方伯途遇兵快縛送金華監軍李太監轉解京師五月奏捷班師義勇悉放歸田里處郡始甯

嘉靖二十七年巡撫朱統討温盤南鹿諸賊還平處

州礦盜

三十七年倭自永嘉寇青田鋒銳甚分守參議曹金

籍丁壯編什伍晝夜登陴凡四日賊訶知有備不

敢進

國朝

順治三年六月明勳戚方國安兵潰散入處州大掠

諸鄉男婦皆逃匿

康熙十三年耿精忠爲亂閩中遣僞中軍都督徐尙

朝等陷龍泉遂昌諸縣處協守備王自福遣管隊

陳蘭花蕭瞎子陰通尙朝六月十三日賊至城遂陷尙朝令其黨守城而自會僞都督曾養性於金華十二月副都統瑪哈達與總兵李榮陳世凱破之積道山尙朝養性遁走榮世凱進復處州而僞都督連登雲退保雲和石塘嶺擁衆二萬爲負隅計積歲餘弗拔

十五年甯海將軍貝子傅喇哈簡精銳分三道攻之焚七營破二十八柵斬首七千有奇生擒僞將四十有九餘賊潰散尙朝自福分踞楊梅岡石帆屬青田亦以次削平

咸豐八年戊午春三月粵匪石達開犯衢州遣賊日石進級自龍游越青葫嶺陷遂昌松陽奸淫擄掠哭聲震野時連日大雨溪水暴漲賊聯扉作筏溺死者前後相繼水陸並行二十七日逼城下郡兵先已奉調出征僅玉環兵百五十人合民團上城發銃擊賊以衆寡不敵潰去城遂陷知府鄭箴退保石帆二十八日賊四出搜掠附郭十餘里居民不及遠避者脅以入城男女共千餘人

夏四月賊將被擄者每鄉放還數人令其納款立師旅卒兩伍名目勒殷富併有時望者充之多張僞

示哄誘愚民卒未有受其給者 初六日總兵周天受率兵勇由武義進勦營於銀場山賊乘其初至繞山後出被圍大戰敗走賊乘勝陷縉雲遣偽總制聶俊民分駐碧湖偽示安民勒令繳錢給領門牌否則焚其廬舍東南北皆然百姓遁居深山三四十里烟火幾絕 十九日北鄉小安何仍璣毀家紓難與母翁氏均被害

五月賊搜掠四鄉搬運糧食絡驛不絕富者困廩皆罄貧者亦升斗無餘見不蓄髮者卽梟示

六月溫處兵備道俞樹風統兵勇進剿駐紮石帆

初八日提督周天受自金華克復武義永康等縣縉雲賊退回郡城而賊首石達開攻衢不下由龍游至遂昌我兵復三路進攻賊知不敵十三日棄輜重遁焚民居三百餘家官軍入城招撫百姓漸次安集焉

咸豐十一年辛酉夏五月粵匪復犯衢州郡城戒嚴松陽在籍進士葉維藩乞兵守禦知府李希郊率勇四百名往堵而遂昌松陽已陷乃截駐松之堰頭翼日大雨賊驟至蹙其營奮力出戰死者無算進士葉維藩把總金國榮登時陣亡增生閭其新

受十餘劄知府李希郊被執賊脅之跪希郊厲聲大罵賊拽希郊至碧湖希郊罵不絕口遂被害十六日城陷越二日賊衆盡走金華

秋九月十一日別賊號和會軍者由龍游突入陷遂昌松陽十七日竄踞毘城焚劫擄掠尤甚於前知府李澍知縣姚復輝退駐石帆招鄉民數千於二十三日攻城賊奮力抗拒民兵不戰而潰賊四出放火益肆猖獗

冬十月賊目詣金華僞慈王納款藉其聲援爲久踞之計擄掠男女皆繫手足勒令以錢取贖富家百計營謀飽其谿壑始得放還貧者無力出錢備受酷刑少至一二千文不能得乃以板爲杖形釘手足於上置烈日中死尤慘焉

十一月賊設卡於四鄉東則巖泉却金館南則礮埠大港頭西則九龍碧湖北則太平小安日出擄掠百姓雨行露宿晝伏山谷中夜至二更潛歸四更復走避老幼力孱者皆自經死

十二月除夕大雪鄉民潛歸度賊必不出賊知其無備驟至裹男女數千人行大雪中死者相枕藉哭泣之聲震動山谷黃畷武舉葉成豐奮大刀追擊

力戰而亾

案葉成豐慶元人住黃畝故人物門不爲立傳

同治元年春正月賊分股由南鄉入雲和沿途焚劫而石亭石橋頭毛竹魏村畝張山楊山罹害尤酷二月十五日別賊十餘萬自松陽過西鄉屯北鄉五十餘日百姓無可逃避死者十之八九四月出武義

三月初九日西南鄉生員呂孔昭葉文潮等聯絡雲和團勇堵賊入山之路賊分隊搜十八都關嶺西黃董村里山各堡死者積屍數千人

夏四月四鄉皆設局團勇日與賊戰互形勝負而分卡之賊漸退入城惟駐碧湖者猶在魏村高溪嵐山頭等處焚燒廬舍大肆淫掠

五月十二日西鄉監生呂停雲率勇分三隊抄襲賊營雲以銃擊騎馬賊躍取首級爲別賊所傷同時死者呂趙春項老九徐保和尤春志僧悟蘭等二十七人而戰於鄭山松坑口桐樹岡太平庄者則有趙村之何志劭十一都之趙芳坑里之翁國棠南源之劉大榮并子四人皆力竭身亾賊亦大挫六月金華分股之賊自仙居抵溫州越青田九都山而出擄掠焚劫凡五日夜由大港頭過西鄉下龍

城入東北鄉出金華所至蹂躪有合家被擄無一還者 十九日賊復出城燒南鄉二三都十六村而西之朱雲坑缸窰嶺南坑口南坑東之黃畝李佳源北之鳳山前林宅口各團勇擊殺甚多

秋七月台灣挂印總兵陳統兵自浦城下松陽總兵林文察下雲和遊擊白瑛至大港頭秦如虎由溫州進營石帆兩路夾攻而各鄉民勇麇集聲威大振 十三日總兵陳慮賊由宣出松遮我兵之後撤隊至松陽分駐要隘 十五日賊潛出通惠門襲官軍營兵勇夾擊斬賊首二名奪器械旗幟無

算賊遁入城 十六日總兵林文察兵薄城下秦如虎由水道至廈河賊不敢出 十七日申刻賊放火遁走官軍追躡之自相踐踏死者不可勝計 東北鄉民剪復截其去路登山以木石墜擊壓傷甚夥脫者僅三四百人 毘城克復

附
災祥

唐

顯慶元年九月大風雨溺死七千餘人
神功元年水壞民居七百餘家
文明元年大水溺死百餘人

長慶四年七月大水

開成三年水高八丈

宋

大中祥符九年大水朝廷遣使發廩賑貸

咸平六年八月旱禾再稔穉守楊億上表稱賀

明道二年洪水壞民田

熙甯八年大水入城高至天慶觀楣

元豐二年秋至三年春不雨

宣和六年七月水高六丈餘

紹興十四年八月水高八丈溺死三千餘人 十六

年大水如前 十九年夏蝗

淳熙九年大旱

嘉熙四年大旱

寶祐五年大旱

元

至元十六年六月旱

元貞二年雨黑米可飯

大德九年六月大水

至大二年蝗

延祐元年螟傷禾

泰定二年螟傷禾

至正七年火 十年螟冬大雷雨草木皆華雨黑黍

中白如粉 十六年螟斗米千錢道殣相望

明

洪武三年大旱 七年螟

永樂十八年大水

正統五年大水

景泰七年大旱 口年麗陽山下麥穗雙歧者五

成化九年大水 十三年大旱 十九年七月禾生

黑蟲

正德二年大旱 五年大水平地高五丈 十三年

火

嘉靖四年大水 六年大旱 七年大水 十年大

旱 十一年七月二十八日大雨溪水暴漲十餘

丈漂流數百家 十九年蝗 二十年大火自三

坊口至府前譙樓是年多火患 二十一年大旱

二十四年大饑死者甚衆 二十九年大旱

三十年大水 三十四年大水 明史本紀三十六年免甯紹溫台處

五府被災者稅糧未知何災 三十八年火起縣前延及府治

隆慶二年大旱 三年秋大水

萬曆元年旱早禾盡槁 二年大水 三年旱斗米
千錢 十六年大旱疫 二十四年十月大雪至
次年正月不止 三十一年十二月大火府譙樓
災焚民居數百家 三十二年地震 三十四年
府學罷署產紫芝皆重葢 三十七年大水漂沒
田廬

天啟二年火府前民居延燒殆盡 三年四月大水
無麥

崇禎元年春三月隕霜殺麥 五年二月火七月無
雨火災四起蘆灣青林尤甚知府朱葵捐賑有差

七年大水田廬漂沒 八年五月大水入城淹
官署民房幾盡應星橋城壞死者七人水退沿溪
積屍無算知府朱葵按戶賑恤之九月二十五日
戌時地震 十年大饑民食蕨根蕨盡蒸白墘泥
食之名曰觀音粉

國朝

康熙二十年雨豆色黃赤堅不可食種之亦不生
二十二年無麥 二十五年四月大雨四晝夜水
泛溢漂沒廬田溺者無算五月虎入城八月大旱
二十八年自夏至冬不雨井泉皆竭火災四起

冬十月電虹見十二月又火 四十二年大旱十一月電 四十九年大風雨雹 五十三年大水

六十一年縣署火

乾隆六十年五月十八日大水壞民田四頃有奇

嘉慶元年正月大寒殺麥八月初一日大風折木壞

廬舍 五年六月二十三日大水船踰城入救越

二日水退積屍無算冊報壞田地五十五頃有奇

六年夏四月雪 八年夏五月朔不雨六月望

始雨 十六年夏五月至秋七月不雨民食麻蕪

及白土穀一石值錢三千 十七年春二月二十

三日大風拔木雹殺麥壞廬舍佛頭巖塔尖飄墜

隔岸六月十三日大水成災 二十一年大旱成

災 二十五年大旱成災秋七月二十五日大水

壞東城七丈

道光十二年秋九月十五日雪十二月二十四日夜

雷電大雪山中積丈餘鳥獸多死明年春二月乃

霽 十三年冬十二月十二日大雪三日 十四

年夏五月十四日大水冊報沙石壅積田地二十

頃三十四畝有奇秋疫斗米值錢六百鹽一斤值

錢百十 十五年大旱成災 二十二年冬十月

初三日火自耐心橋至三坊口焚民居一百四十七家 二十三年七月十二夜大雨山水暴發二十二都二十三都田廬漂沒 二十四年冬十二月二十四夜雷電雨雹大雪 二十七年旱 二十九年大疫

咸豐三年大水 四年旱 五年七月大水 六年

六月初一日屢河樟樹六十餘圍無故自焚 初

六日南明門外水南樟樹大亦十餘圍無故自倒

聲震山谷 七年八月地震 八年九月大疫

九年三月地震 十年五月火

同治元年八月大疫 八年十一月火自耐心橋至

四牌樓下焚民屋一百餘家 十年二月大風壞

牆壓死三人 十二年六月大雨雹傷稼 十三

年四月大風折屋壓死數人

麗水縣志卷十五

麗水縣知縣黃平彭潤章重修

雜記

施武子志會稽入瑣事於雜記厥體至善今倣其
意爲之凡軼事見於他說得之傳聞者咸蒐輯焉
以資觀覽亦多聞之一助也

何振卿枯蒼藁紀載唐貞元中郡守李敬仲洞溪十

詠曰翠潭青室桃源竹嶼琴石釣磯虛廊響澗峭

壁崎巖

凡七律十章考唐人無拈
十題按次作律體詩者

瑣屑攢湊畧無

氣格姑弗深論其翠潭詩云潭翠標名直至今竹

嶼詩云當初好翫人何在顯為後人語氣何氏不
審而誤收之也然王梅溪詩云我向思賢亭上坐

愛山兼愛昔人詩則宋代敬仲詩猶存矣雍正處

州府志又有湯玉茗追和十詠彌不成語不知是

何儵父嫁名也

王象之輿地紀勝有處州刺史李
鉛碑彙紀鉛誤鉛桐鄉屠本仁曰

敬仲疑即鉛字彙紀
誤析為二然無確證

唐朱慶餘和處州韋使君新開南溪詩地理光圖識

樵人其說深

句有
談

悠然契高躅坐使變荒岑疏鑿

應殊舊亭臺亦自今靜容猿暫下閑與鶴同尋轉

旆馴禽起舉帷薄溜侵石稀潭見底嵐暗樹無陰

躋險難通屐攀栖稱抱琴雲風開物意潭水識人

心攜榼尋花徧移舟惜景沈世嫌山水僻誰伴謝

公吟考處州大溪故在城南此云新開者蓋因而

濬治之增飾景物以供游覽非別開一溪也

釋山東麓有墓碑刻宋孝童周智墓乾隆六年典史

奉天朱兆熊立考舊紀及周氏家乘大觀三年智

年六歲紹興十年授迪功郎二十七年卒年四十

九矣在當時以冲齡著美相與童之後世追書當

更題孝子不應沿龔童稱也

秦少游處州閒題詩云清酒一杯甜似蜜美人雙鬢

黑如鴉莫誇春色欺秋色未信桃花勝菊花蓋寓
感之作枯蒼彙紀載其文英閣在釋山下二律云都門
將酒惜分攜歸路駸駸望欲迷千里又看新燕語
一聲初聽子規啼春風天上曾揮翰遲日江邊獨
杖藜回首三山樓角晚斷雲流水自東西流落天
涯思故園散愁郊外任蹢躅雲歸邃谷知無雨風
捲寒溪近沒灘已覺鴈將歸楚澤遙知春又到長
安桑林麥隴依稀是只欠秦川萬里寬二詩淮海
集不載詩云歸路駸駸又云流落天涯語意違反
殆非一時之作亦未必文英閣作也

秦少游好事近詞有醉臥古藤陰下之句

附見古蹟
鶯花亭下

冷齋夜話云少游在處州夢中作此詞後南遷還
終於藤州晁无咎詞云醉臥藤陰蓋人已去詞空
在卽用少游此詞也枯蒼彙紀又載少游滿庭芳
詞卽所傳山抹微雲天連衰草者考漁隱叢話乃
越州蓬萊閣作非枯郡故實近歲吳中張迪民大
令登萬象山謁秦淮海祠詩云我來七百餘年後
山抹微雲正晚秋亦沿彙紀之誤也

宋史吳安國傳但云使金金人拘留齎服之而不詳
其年數宋潛溪吳君妻邱氏墓銘云吳伯京宋太

常少卿安國之五世孫太常使金被留七年而不
 變節可以補史傳之闕又有猗歟詩一篇序曰猗
 歟美君子也君子謂奉常吳鎮卿蚤以文顯使于
 金源不辱君命故作是詩也詩曰猗歟君子在栝
 之陽粲然其章有玉其相厥聲孔揚聲之伊何如
 巖之峩峩不剝不頗屹立而弗阿兵氣氛如其勢
 綿如酣如連如貪噬我中區君子揚揚為天子使
 誕敷皇靈以警其類彼何人斯是繫是維不虞其
 無拂我金其躬我赤其衷我節之崇以迄于終曠
 爾之行孰能尤之貞爾之剛孰能柔之游麟之冲

冲兮鳴鳳之噦噦兮我思君子維邦之容兮鎮卿
 安國字也

紹定戊子高踈寮守郡有村民獻雙蓮花者三雙蓮
 實者二高賦詩云曉閣晴初公事少野人來獻瑞
 蓮圖見彙紀

麗邑見存古刻盡載李金瀾學博枯蒼金石志中考
 宋王象之輿地碑目收麗水唐碑五未知存否錄

以俟訪刺史李鋈送行記

正元中李為刺史朝士
之贈行者二十三人石

刻今

好道廟碑

在麗水縣東十里唐大中十
年刺史段成式作廟記今存

唐青

田縣尉楊光于作隱難記

在麗水縣北六
十里之東巖

唐贈欵

州刺史葉公神道碑李邕撰韓擇木八分書其石

在麗水縣北一百二十里冲真觀中陳松司馬墓碑在麗水縣西四

碑及銘記並案東巖及冲真觀地今割隸宣平刺

任省公文

史李鋁栝蒼彙紀作李鉛得此可正其誤

葉夢得吳縣人見宋史處州府志誤以為松陽人浙

江通志於人物門會糾其失而選舉門仍襲其訛

案石林避暑錄話云己酉冬避地將之處州道縉

雲欲游仙都聞潰兵入境遽止云云其非栝人似

無可疑而宋潛溪麗水葉府君墓碑云葉氏世居

松陽卯山宋初遷麗水水東里至崇信軍節度使

贈檢校少保夢得始以經學著稱世稱石林先生

者也府君先生十世孫云云信然則又為麗產矣

疑潛溪因人家狀書之未嘗深考致有此誤且集

中多有偽作難為確證也

高似孫剡錄載江朝宗梅花詩云小小人家短短籬

冷香濕雪兩三枝寂寥竹外無窮思正倚江天日

暮時厲鶚宋詩紀事云江朝宗栝蒼人范石湖集

有送江朝宗歸栝蒼詩半生三邂逅相看成老翁

詩情故率津袖有天地峯江山佳麗地登臨苦匆匆塔燈落淮水寺樓倚霜

窠烟雨東歸田有脚力尚往尋
行踪期君斬寒籐伴我搯枯筇
又有范老前歲相
別約歸栝蒼便游四明今不知何地暇日有懷詩
春色重來意未關故人一去肯復還栝蒼洞天歸
舊隱補陀海岸尋神山杖履雲烟遠游樂衣裳風
雪行路難鴻飛冥冥鷗
浩蕩安得置之鷄鶩間
又有題范道士二牛圖詩
西疇滌場靜無塵原頭遠牧秋草春一牛疾行離
其羣一牛返顧如怒瞋目光炯炯猛而馴點綴毫
末俱畢真不顛不狂筆
有神妙哉吾宗散仙人
考朝宗範老子珉舊志俱
不載未識何縣人附識俟考

彙紀載陸放翁南園七律二首七絕二首

見古蹟

本集

失載案數詩氣格渾健情韻悠長非後人所能偽
爲并同時亦無此手蓋翁曾爲福州甯德簿往返
皆道栝故詩云南游雲海歎茫茫又泛歸舟到栝
蒼也

宋浯溪潘郁葬父母於龜山墓田梅著五花重臺豐
瓣類牡丹後其子叔豹淳熙八年登第叔豹子杞
嘉定元年登第檜淳佑二年登第梓榿栝皆貴顯
彙紀以爲明洪武中事又云潘伯濟兄弟五人皆
顯考伯濟名堯心官按察司僉事兄弟無顯者彙
紀誤也

葉公佑字承禧紹興間人隱居高溪不干榮利身長
九尺五寸有自嘲詩云古有文王長十尺我今一

丈待如何愧無半策匡時難畧似曹交食粟多壽
至一百二十歲

王琮三巖詩云閒攜一壺酒來對雪巖斟秋老瀑飛
瘦石寒雲宿深坐無僧共話行有鶴隨琴此處儘
不俗令人生隱心宋詩存小傳云琮錢塘人紹興
間嘗避地居括著有雅林小稿

陶宏景對謝中書啟云高峯入雲清流見底兩岸石
壁五色交輝青林翠竹四時俱備宋錢塘吳說處
州山行詩云方隨碧澗落忽在白雲端樹密晝猶
暗山深晴亦寒皆善狀山中景物者也

梁子奇椅戒火化文云胡人無禮義其俗固然吾鄉
閭閻之家逢掖之士何忍出此蓋宋代或頗有此
風也近惟閩商歸骨者偶一爲之士著人無復有
此然司牧者當慎其舊坊也

馬裕齋

光祖

知處州禁民捕蛙有村民剗冬瓜實蛙

於腹仍掩其蒂黎明入城爲門卒所捕裕齋問何
時捕此曰夜半有知者否曰妻耳裕齋追其妻詰
之乃妻所私者令導其夫爲之又先語門卒欲陷
其夫而據其妻也遂置妻并所私於法見趙葵行
營雜錄今麗水人有以食蛙爲戒者裕齋風流也

曾茶山次處州守謝景思寄勸農詩韻有云無路從
公上煙雨夢魂常繞處州山以地有煙雨樓也不
得其解遂疑煙雨不可言上矣景思名伋守栝在
紹興中又文淵閣書目有高似孫煙雨詩一冊內
閣書目作煙雨齋集疑亦其守栝時作也
袁清容集賈相嘗曰浙東惟溫處士可任事四明士
不宜用斯言大爲溫處之辱然似道當國時麗邑
人士不聞有所附麗茲可以無愧矣

林霽山

景熙

登處州城詩寒芒曾動少微星一水溶
溶疊嶂橫落日漁舟吹遠笛斷煙戍屋帶荒城沙

鷗欲近始招隱關樹無多亦厭兵却憶鶯花亭下
路太平簫鼓沸春聲考今城建於元總管幹勒好
古霽山所詠猶宋代故城也

張子萊

芳年

南明懷古詩營穿棗樹炊煙密嶺入桃
花戰血多蓋城內多隙地至中衢始稠密而桃花
嶺爲從前戰場近歲粵匪之亂亦鏖戰數十次是
詩信而有徵矣

元史儒學傳陳繹曾處州人古栝遺芳及栝蒼彙紀
作麗水人浙江通志載其鄭氏義門事蹟傳自署
吳興人吳興續志亦載其名豈栝產而僑居茗水

歟又繹曾著文筌譜論自序稱汝陽左客則又嘗
流寓齊魯間矣

姜山有懸藜閣舊傳元末高明撰琵琶記於此案燒
雙燭填至喫糠齣句云糠和米本一處飛雙燭花
交爲一而鄞志云明避亂主於沈氏樓作琵琶記
成清夜按拍歌舞几上蠟炬二枝光忽交合遂名
樓爲瑞光温州府志亦云明寓鄞之櫟社以詞曲
自娛蓋則誠屬稿於枯斷手於勤故兩地交傳其
事萬季野鄞西竹枝詞注云明撰此記一夕而成
殆非也

浦江戴良九靈山房集邁里古思公平寇詩序云至
正丁酉奉行軍鎮撫邁里古思公以處寇四出大
侵我婺乃請命憲臺總率諸軍而東已而婺之永
康武義等縣咸獲清厥境土轉危爲安而處之積
年老寇卒至繫頸麾下俯伏請命遠近聞之莫不
怖駭失措罔敢違越且其師行之日市無廢賈野
不輟耕誠近代將帥之所罕及良雖愚懦疲弱不
得備戎行致死命以親睹號令之嚴明軍容之炳
耀然居婺之西鄙其去平寇之地不數舍近得諸
傳聞可考不誣又常粗讀書執筆爲文章是宜首

出歌詩以稱述其萬一輒依古作四言詩一首凡
五百一十有四字庶貽諸後世有以見公之忠勇
云詩曰於皇乃元奄有萬方孰爲小醜敢擅而狂
惟枯有民厥細如蟻竟怙其姦叫呶以起根旣蟠
矣苞枿薦達其出穰穰彌甌藪越遂忽西奔以蹂
我土披其都邑扼其險阻維是戎士徂於安平莫
振而伍獨戍以兵桓桓我公虎奮臺端請師往征
其徒三千亦旣禡纛于門于社獸盾熊旂魚魚雅
雅我出我車自彼征途庶士餞之清酒百壺迺命
其佐敕我率旅是惠是訓以綏士女勾無之野婺
女之墟男歌於道婦笑於廬進次於峴其衆蠢蠢
士飽而騰將勇而奮公曰勿亟我山我川我其詢
之周道宛宛遂申部曲選爾精銳爰拔爰克指日
遡視兵貴奇勝以退爲進彼克罔知遂乃大慶起
召而黨炙牛行酒謂今汝勞發其可有旣謀厥謀
羣師倍驍迺晝其宵乃邇其遙彼曾不虞卒見窘
迫廣野茫茫無地可穴莫挾汝弓莫椎汝鼓投汝
戈矛歸我砧斧其黨復集卒抗我師窮克極頑洋
洋而來我公曰嗟是不可宥進截其衝潰其羣醜
諸將四合以翼以前械手繫脰俘獲連連我公曰

嘻寇情靡測益蹈彼疆胡陳是壁寇乃日蹙莫究
 所圖卒火其廬自殲厥家捷上臬臺有命召公勿
 久煩苦歸奏爾庸公迺返旆整兵頓馬曰安其驅
 毋恐觀者其亂既平我土以清克清我土維我公
 之武武其戢矣婺民輯矣輯我婺民維我公之仁
 維公布仁維天降報皓髮龐眉錫公壽考既錫以
 壽復介以福金節煌煌享有百祿公曰無庸匪我
 之功天子仁聖以釐萬邦爾釐既定四方亦安乾
 清坤夷皇家萬年案此為至正十七年平處寇而
 作詩云胡陳是壁胡陳為縉雲地其擾及麗水與
 否初無明文然既云彌甌藪越度必在蹂躪中矣
 以紀志未及此事故錄以補之

明正德中分守參議耿定兵備僉事于晟禦山賊陶

得二死於破橋勞堪二忠祠記作周坦俱宣平境晟子甫六歲聞

變欲往尋父屍以戒嚴不得出哀號墮城死夫創

痛殞生既不能援國殤之例馨以俎豆又不獲於

隔代之後護其瓦棺而沖齡純孝哀動人天附書

於此庶後之覽者興憑弔之思焉

張東之兵備題名碑失載其名俟考聚書栝蒼行院其同年祝

篁溪參議鑿為之銘而刻諸石銘後備載書目凡

三百二十五種共二千 百冊時正德十六年也
後道院改爲學政校士館碑遷於麗水縣署書則
不知散落何所矣

明一統志載麗水產青瓷器求之不得惟西鄉寶定
村有廢窰三十六所云昔時一窰舉火有白氣次
第八他窰不熱而燃後察其異相約同時舉火見
白氣騰空去自是器遂苦窰不售窰亦漸圯今時
有破盃殘盂出於沙礫無復完美者

郎仁寶七修類藁云王禹偁當直賦新月詩限敲梢
交韻詩曰禁鼓樓頭第一敲乍看新月上林梢誰

家寶鏡新磨出玉匣參差益不交余忘年友處州
王義中少時同余夜坐因新月語此詩明日王呈
一詩云風外空傳藥杵敲雲邊惟見桂枝梢定疑
今夜蟾蜍小含出明珠口未交余訝之以爲他日
必成大名惜爲弟子員不久下世至今夢寐思之
案義中不知何縣人書以俟考

馮珩浙江處州人叔公讓以少監鎮福建進燈有寵
時修寰宇通志馮求書辦內臣王誠因暗內閣大
臣各舉一人於是王文舉驛丞某陳循舉其鄉人
周某蕭鎡舉監生溫良高穀舉其壻王清商輅舉

其嫺蔣銘良誠舉馮瑤及文等敗所舉皆不用獨
瑤推爲典籍天順二年乞陞錦衣衛千戶理鎮撫
司刑成化二年進指揮僉事巡江擒江賊劉顯文
等六十餘人誅之瑤內依中貴外任樞要富侈驕
盈荒於聲色一旦暴亡以上見王文恪震澤紀聞
案瑤爲封明威將軍馮哲之子哲墓表爲商文毅
所撰石刻尙存紀聞馮作馬他書載瑤事亦有作
馬者皆誤脫偏旁也墓表稱哲讀書通大義善譚
論古今鑑別法書名畫孝於二親友愛諸弟處已
嚴毅待物平恕云云但瑤以倖進以惡終墓表所

云未必非瑤之誣其先者不得以出文毅手遽信
爲實錄也故人物門不據以入傳

白巖彌陀庵有乾隆三十二年碑云本都衆等奉前
任梁主檢充虎兵捕虎除害屢捕虎隻呈送府憲
蒙諭准免雜項夫役云云是時距耿逆之亂九十
餘年而人烟尙未稠密故猛獸得以窟穴康熙中
劉在園太守詩云官舍夜深曾過虎山村日午不
聞鷄又云虎當官道鬪猿上驛樓啼皆紀實也前
經粵匪之亂村落凋殘同治二三年間深山窮谷
復有虎跡今則休養生息無復是矣

嘉慶初教諭永康應恒齋

正祿

修孔子廟有老農纏

緡錢至自云下墘周連璧問其產則有田二十畝耳他日復囊錢至曰往時夢人勸予捐金若干予諾之前數尙未足也越歲又至陳豆觴肅衣冠望殿廷遙拜詢其故曰元日夢神告余家中有人在學讀書喜得嘉兆耳恒齋爲書事一篇刻之是時連璧惟一子亦業農後舉一孫名良謨始爲諸生今曾元皆列衣冠矣

酈善長澆水注云池之四周居民駢比填編穢陋而泉源不絕麗城張公橋爲居民澆濯之所而水色澄清亦以有泉源耳名勝志以爲呂洞賓曾洗楮被故水不臭穢失之誣矣

處郡十邑之水除慶元半入閩江景甯半入青田青田逕入甌海餘皆滙於麗邑經城東佛頭巖以入青田巖有硝石橫截中流甚雨則難於宣泄故時有水患南明山高陽洞有磨崖刻云紹興甲子丙寅洪水暴漲約高八丈人避於樓死者不可勝計云云蓋紀異也近歲諸山經棚民墾闢土質疏墳蛟水驟發挾以壅溪患且有甚於昔者不知有何通變之術也

張村街葉宅井日午有清苔上浮餘時澄清可飲案

紀文達閱微草堂筆記載京師虎坊橋西一宅為

劉雲房副憲所居中有一井子午二時汲則甘餘

則否文達謂莫明其理今此井午時既濁則子時

亦未必可飲殆與文達所云正相反耳

栝蒼驛丞不知置於何時

孟清重修麗水縣記云大德元年以為栝蒼驛以舊

驛為縣治則其來久矣

國朝乾隆中裁道光十五年六月水南池中得銅印文

曰栝蒼驛記九疊篆文左側鐫栝蒼驛記四字右

側鐫口字九百六十七號八字背左鐫甲寅年七

月日六字右鐫禮曹造三字俱楷書前在麗水縣

庫嘉興李金澗學博以明史職官志禮部所轄鑄

印局大使一人與禮曹語符定為明代所鑄

宋史百官

表少府監掌鑄牌印諸記

惟明有五甲寅印不著年號未知何

代又馮公嶺上劉山元世置驛

劉文成有劉山驛詩

設官與

否則不可知又元魏樸墓誌云至正中除本縣寶

定課稅局副使不知是職又裁於何時也

桃花嶺跨麗縉二邑之間紆回五十里為甌栝赴省

孔道儀徵阮芸臺相國撫浙時於銀場俞嶺之交

篆刻栝蒼古道四字於石壁或云古道由郡北樞

勾嶺出武義後以路險改從桃花嶺土人由舊路
至金華可省一日程今考桃花嶺卽馮公嶺葉水
心馮公嶺詩云馮公此山民昔開此山居屈盤五
十里陟降皆林廬宋代已作爾語則此稱古道無
可議者從稽勾嶺者蓋土人別開捷徑耳宋劉宰
翁卷元
陳高許謙俱
有馮公嶺詩道光十五年陳鏡帆學博於砦龍口
嶺伐石通道磨崖刻古栝蒼道四字未爲得也

船之大者曰三板酒之美者曰栝灘清邑人朱上杞
好溪櫂歌云移來三板柳陰中青竹篙兒白棹蓬
知是上灘行不得挂帆好待滿溪風綠簑換酒叩

柴扉酌栝灘清盡醉歸醉起却歌山月小鷺鷥白
白夜驚飛

道光初知縣田君

瑞庭

建愍終祠於棗山聚無後之

主四時祀之後署守于公

尙齡

遷於巖泉門外馬

明橋好義者復置田爲經費咸豐八年燬於寇同
治十二年邑人林廷發等捐建於東鄉之老鴉壩
余爲文記之然禮於先世之主親近則祧今以不
知誰何之人而升諸去壩爲鬼之上殆於過情雖
就公厲族厲之意推類以盡之似未爲不可而功
令祭厲不設主以城隍神莅之耳故不附愍忠祠

於厲壇條下而別出於此

道光二十六年六月於小白巖訪得宋林處士墓碣
 龍泉何澹撰不著書者姓名審其筆勢與澹書應
 星樓郭碩人二碑相似知即澹書也處士名端字
 大方為架閣林椅之父椅著周禮綱目八卷見直
 齋書錄解題碣言處士習易禮則椅於禮經乃其
 家學矣此碣久仆水次村民搗衣其背未經摹搨
 故鋒棱完美如新脫手亟買他石置水次而遷碣
 於麗學鄉賢祠中

栝蒼彙紀載栝蒼十景皆屬麗邑如擇山賢關錦山

道院之類率皆俚鄙又有麗水八景曰麗陽春曉

白雲疊翠巾山夕照梅山霽雪少微煙雨三巖瀑

布好溪夜月濟川飛渡稍為爾雅近歲吳縣張迪

民復更定其目各為詩紀之曰萬象登高萬象一憑闌了

了見城市坐看甃三巖聽瀑飛流絕壁來瀉入寒

人心南明石梁西來迦葉心皈依即歡喜白雲竹

徑山徑螺紋旋世界蓮花似石牛古樟臃腫世所棄至今辭

斧斤渡頭開兀椒山老桂葉子讀書堂老桂攢金粟我假翁榻來一月香

雲法海晨鐘招提近市塵世代經唐宋碧湖秋墅

秋水灣灣碧秋林葉葉紅時憑一杵鐘喚醒千家夢迪民署縣事有惠政在

永康民九德之祀諸名宦循吏之言足以增成故實矣

釀之得名最早者曰金盆露見宋田錫麴本草及元

宋伯仁酒小史

伯仁所列凡一百二種處州金盆露次十一

其次曰括

灘清曰綠衣黃釀綠衣者造米麴色如槐綠名綠衣麴也今則以蓼汁和麥麴復雜以紅衣麴釀成作殷紅色呼曰蓼花紅綠衣之製浸微矣

周禮遂人治畛涂道路以達于畿月令亦曰開通道路麗邑峯環嶺匝不獨山徑欹嶇卽通衢間亦窘步近歲次第葺治皆成坦途厥功甚偉舉其大者

彙書於後城中街道向以溪石鱗次舉步磊落道

光六年南自府前至南明門東至巖泉門西至通

惠門北至望京門西南至枯蒼門東南至行春門

皆易以石板計用錢六千七百緡有奇邑人顏學

賢所捐也東自巖泉至却金館凡四十里道光十

七年山水壞要害處觀察使陶

士霖慶廉

二公及

署瑞安協葉公

紹春

先後倡修慶公爲文記之西

南大路自水南至石牛二十里小山呂和韶捐修

自大港頭至玉溪五里本庄周和茂捐修北鄉大

路自望京門至花街十里邑人譚鳳鳴黃山張朝

選合修風雲嶺太平王國祥捐修玉山至大鶴嶺
 十里安溪何雲階捐修社壇嶺西溪朱殿采捐修
 草鞋爬勾嶺路尤險雨行輒顛躓庫川朱景熙於
 石堂山鑿石通道上至黃狗盤窩凡六里又奇峯
 庵至潘桑園凡十里檣勾嶺磴道凡二十里亦景
 熙捐修也

葛源大中祥符五年進士子良嗣皇祐五年進士栝
 蒼彙紀俱作麗水人鄞志俱作鄞人於良嗣下注
 云貫開封浙江通志以源為鄞人良嗣為麗水人
 倒作嗣良別於嘉祐二
 年出鄞人葛良嗣竝誤案王介甫葛興祖墓誌云

許州長社縣主簿葛君諱良嗣字興祖其先麗水
 人父徙居鄞興祖葬其父丹徒故今又為丹徒人
 云云蓋葛氏雖徙鄞其仕籍尚著麗水本貫故傳
 聞互出鄞志云貫開封者復以其官許而誤傳也
 今選舉門從實而載其名人物門則不為作傳以
 遠扳附之嫌章良能入選舉不入人物同此意吳思齊僑居異縣而故土之思惓惓莫釋入之人物從其本志也附案彙紀載源上書論中貴人一事云官終湖北路提點刑獄考臨川葛興祖志則源終尚書度支郎彙紀誤也

陳直齋書錄解題栝蒼志七卷教授曾貫撰乾道六
 年太守四明樓璩序黃虞稷千頃堂書目栝蒼志

補遺四卷樓璩撰此栝郡地志之最古者次則陳

百朋栝蒼續志

一卷亦見書錄解題陳嘉泰間人

何振卿栝蒼彙

紀序湖郡志源流舉陳而不及曾樓疎矣

序又云紹興間

始為栝蒼圖經亦不言誰作

此外若元梁載處州路志明鄭宣

郡志補遺劉宣成化處州志何鏗栝蒼彙紀

萬歷乙卯

修葉志淑續處州府志

萬歷癸卯修

王一中崇禎處州

府志

明正德十六年張東之兵備藏書碑有處州府志入本此又在成化之前不知何人所撰

國朝張元樞順治處州府志劉廷璣康熙處州府志曹

掄彬雍正處州府志今所見者惟何葉曹三書而

二書中惟何氏多有可采餘皆黃茆白葦耳

宋史藝文

志栝蒼慶元志一卷邵竒撰此乃慶元縣志冠以栝蒼者以別於明州之慶元也浙江通志入之處

州府志類中誤也

浙江通志載雍正麗水縣志畧一卷蓋

時方編輯通志官吏奉檄率責之作不足為典要

故書亦不傳

麗邑鄉音如考曰口來曰釐之類稍涉學者皆知其

與古合至讀為曰于則或訝其僻謬矣考古聲為

于相通聘禮記賄在聘于賄鄭注于讀曰為詩定

之方中篇作于楚宮作于楚室正義曰作為楚耶

之宮作為楚耶之室是亦讀于為為也文選魏都

賦張載注謝朓和伏武昌詩王融曲水詩序李善

注引詩竝作作為楚宮作為楚室是所據本于皆

作為二字同音蓋顯然矣案考讀口為讀于係雲和音蓋雲前實屬麗耳

錢塘袁子才南明寺詩試大圍樟樹自注云渡口古

樟七人合抱吳縣張迪民令麗水時更定麗陽八

景有石牛古樟考下河莊樟蔭數畝舊以為有神

築豫章廟祀之坑里莊樟生溪南偃卧溪北復著

根於土居人往來樹上呼為仙人擲杖橋河邊村

樟腹中空而枝葉張王無病狀水東村樊氏祖墓

樟相傳為宋代所植根包其墓下趙槃頭二村竝

有樟臨衢路大十圍行者時憩息其下皆輪困盤

鬱逾於南明石牛者也

漢相張蒼魏文侯樂人竇公年逾百歲見於班史此

其可信者也若方士李少君輩則詭誕之詞耳後

史所載其信而有徵者如魏書羅結唐書曹憲之

屬殆亦無幾麗邑二百年來其以遐齡具報者十

五都采桑莊湯志鼈一百歲康熙二十三年詳河東莊葉

常涓一百五歲嘉慶十八年詳雙溪莊潘作楫一百四歲

嘉慶二十年詳畎岸莊江雲光一百一歲嘉慶二十二年詳二十

四都桑開祿妻潘氏一百歲道光九年詳八都陳典一

百歲道光十年詳館上胡雲福妻王氏一百歲道光十年詳

其未具報者又有岱後村謝雲松百十五歲妻李氏百十二歲龍壘吳景鳳百歲上金竹邱勝輝百五歲庫川朱忠盛百一歲葛渡周繼爇妻李氏百二歲李氏於道光二十三年旌謝夫婦及吳景鳳並於嘉慶中卒邱朱二人於道光中卒皆居萬山中其將近百歲者現有畫洋吳漢雲九十七罕知者

歲城內梁榮宗九十四歲譚鳳翥妻許氏九十三歲艾耄椿齡並興接武王仲任曰太平之世多長壽豈不信哉書之以志

聖代歛時錫極之休焉

縣東五十里花圩山有石穴廣數丈土白如麵道光十六年歲饑民之食時有牧童至此一老婦語之曰此土可餐牧童告知遠近共取此土活數百人疑老婦爲觀音化身後遂名此爲觀音麵

縣東八畝山下有龍潭廣貳丈餘深數十丈前後石壁峭絕飛流如練昔術士李七相經此見一龍入潭因坐石上望其浮沉去後見坐處深入數寸每歲旱於此祈禱有濁泉湧出卽得雨民賴之近年民多卜居於此穢水入潭遂不驗

縣東五十里沈村莊夏坑橋有紅梅一株乾隆甲辰嘗有人赴都經此天未明見一女子依樹立問其

姓名不言俄吟詩云歷盡冰霜放較遲人間錯認杏桃枝丹心獨抱回春意除却東風恐未知聽者奇之瞬息而隱後名此為梅樹橋

王公設險著於大易麗居萬山中多要害之處集中

不立關隘門以其轄於他縣也

如桃花隘屬縉雲之類

而縣

南七十里有礮門嶺徑昃壁峭高數十丈又有大杉嶺長二十五里為甌閩捷徑嶺頭有內外二峭外峭左為大壯燄山高插雲漢霧氣可占晴雨咸豐十一年村民於二處磊石守禦共殺賊數百人賊懼退不敢復窺伺境內以安是亦一夫當關萬

夫莫開之奧區也

三餘贅筆云浙中少水人多於山上置閘蓄水遇旱開以灌田曰沛縣西五十里寶定莊有山塘衝村民以其地田多水少於同治十年集資鳩工築堤蓄水灌溉百餘畝俗呼蓄霖沛

禹勤溝洫禮祀坊庸水利宜亟講也麗之通濟好溪

二渠其澤溥矣別有山水自十八盤達岑溪築堰

灑渠亦始於詹南二司馬所謂觀阮堰也其地迤

邐而下水勢迅駛難以停蓄每有畝田即用小堰

截水以資灌溉而近日惰農不知先事預防必待

晴久始行攔入前數堰築斷下流卽涸稍旱往往
 以爭水涉訟貢生魏庭亮議約各村紳耆司其事
 每年三月雨晴卽集耕者於堰口將水攔入田溢
 出阡歸於下堰以次遞及阡涸而田有水可濟半
 月有餘不逢大旱皆得有秋又議堰上加小隄中
 用木牯視水大小以爲蓄放如是雖大旱亦有備
 無患此議頗當遵而循之亦通融之一法也

